

ejus fata cum Eberhardo Sinzendorffio & Michaela ab Oberheim tutoribus liberorum suorum , ratione Toparchiæ Wasen Anno 1414. convenit. [p] Sequenti Anno 1415. Michael Oberheimer Equestri Ordinis Vir trecentas tres liberas denariorum Eberhardo Sinzendorffio mutuas dedit. [q] Idem tutorio nomine defuncti Johannis Sinzendorffii filiorum feuda Passaviensia Anno 1418. recognovit. [r] Georgii Sinzendorffii memoria iterum occurrit in documento quodam de Anno 1428. (s) Johannes de Sinzendorff autem litem cum Catharina Ehrerin / agitatum Herici Nothafftii & Georgii Frauenbergeri laudo Anno 1430. decidi passus est. (t) Catharina ab Oberheim nata Sinzendorffia Fratri suo Georgio dimidiam partem Castri Wasen assistente Agnato Johanne Sinzendorffio Anno 1433. vendidit. [u] Georgius ille Sinzendorffius in tribus aliis Documentis de Annis 1437. 1439. & 1455. quæ in Archivo Statuum Austriæ custodiuntur , celebratur. (x) Eidem Petrus Krillenberger in carcere aliquamdiu penes Sinzendorffium detentus, cautionem de non vindicando injuriam Anno 1456. præstitit. [y] Bernhardus & Wolfgangus Sinzendorffii in Hausß / cum Affini suo Christophoro ab Hohenfeld Equite Castellano in Franckenburg / pactum de retrovendendo bona ab ipso acquisita Anno 1466. inierunt. [z]

(a) Archiv. Statuum N. 362. (b) Ibi N. 1009. & 1012. (c) Ibi N. 1027. (d) Ibi N. 1102. (e) Ibi N. 1130. (f) Ibi N. 1146. (g) Ibi N. 1152. (h) Ibi N. 1233. (i) Ibi N. 1243. (k) Ibi N. 1525. & 1572. (l) Ibi N. 1626. (m) Ibi N. 1648. (n) Ibi N. 1705. (o) Ibi N. 1865. (p) Ibi N. 1888. (q) Ibi N. 1932. (r) Ibi N. 2022. (s) Ibi N. 2213. (t) Ibi N. 2246. (u) Ibi N. 2314. (x) Ibi N. 2391. 2447. & 2819. (y) Ibi N. 2840. (z) Ibi N. 2986.

## CAPUT XII.

### BARONES DE GILEIS.

**B**arones de Gileis à multo tempore in Austria floruerunt. Ad sunt enim in Archivo Statuum Pacta dotalia inter Albertum Gileis & Judith Dietherici sive Theodorici filia ab Hundsheim An: 1348. inita, quibus Fratres ejus Otto & Theodicus Gileisii appositis Siggillis gentilitiis robur addidère. [a] Rudolphus Austriæ Archidux feuda quædam per mortem Conradi Gileis Ottonis filii sibi apperta Anno 1361. in alium transtulit. [b] Porrò Jacobi Gileisii in litteris emtionis Anno 1376. datis mentio occurrit. (c) Andreas Buchschütz oppignoravit Anno 1388. terram illam , quam à Theodoro [Trost] & Dietherico Gileisii comparaverat. [d] Johannes Gileis custodiâ in quam Alberti Austriæ Ducis iussu